



Broj: 05/1-50-13-26-41-4/18
Sarajevo, 29. 1. 2018. godine

IZVJEŠTAJ

sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Direkcije za koordinaciju policijskih tijela BiH

Sastanak je održan 22.1.2018., s početkom u 13 sati, u prostorijama Direkcije za koordinaciju policijskih tijela BiH u Sarajevu. Prisustvovali su: Mirsad Vilić, direktor Direkcije za koordinaciju policijskih tijela BiH, Ilma Mehić-Jusufbašić, Mate Miletić i Ljubomir Kuravica, članovi Nezavisnog odbora, te Ivana Lovrić, sekretar Nezavisnog odbora.

Direktor Direkcije za koordinaciju policijskih tijela BiH Mirsad Vilić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Ilma Mehić-Jusufbašić, članica Nezavisnog odbora, ukratko je obrazložila razlog posjete. Rekla je da je posjeta organizirana u skladu sa zaključkom sa 40. sjednice Nezavisnog odbora i redovnim aktinostima Nezavisnog odbora s ciljem održavanja kontinuiteta saradnje s policijskim agencijama iz svoje nadležnosti. Također, istakla je da bi, s obzirom na to da je mandat rukovodstva Dirkcije za koordinaciju policijskih tijela BiH na isteku, bilo dobro da se napravi rezime dosadašnjeg stanja i onoga što je učinjeno.

Direktor Direkcije za koordinaciju policijskih tijela BiH istakao da se menadžment Direkcije u dosadašnjem radu uvijek držao svoje misije i vizije koja je bila u stalnoj komunikaciji, koordinaciji i saradnji s drugim policijskim agencijama. Bili su na usluzi kako bi brže i bolje obavljali zadatke iz svoje nadležnosti. Nastojali su da budu efikasni i profesionalni i u proteklom periodu su uspjeli da ispune svoju planiranu misiju i viziju.

Istakao je da su u prethodnom periodu imali određeni broj konkursa koji su rezultirali prijemom 50 policijskih službenika i pet mlađih inspektora, a 50 kadeta je trenutno na obuci koju bi trebali završiti do kraja februara 2018. godine. Stalno se radi na edukaciji policijskih

službenika kako bi se kvalitetno izvršavali poslovi i zadaci Direkcije. Tu imaju veliku podršku zemalja Evropske unije (Francuska, Velika Britanija, Slovenija, Švicarska) i SAD-a. U razgovoru s članovima Nezavisnog odbora direktor je istakao da Direkcija trenutno štiti 167 objekata na čitavoj teritoriji BiH. Paralelno s tim štite se i osobe što je regulirano Odlukom Vijeća ministara BiH o određivanju osoba, objekata i vrednosnih pošiljki koji se štite i Uputstva o obimu i načinu provođenja fizičke i tehničke zaštite osoba, objekata i vrednosnih pošiljki.

Što se tiče saradje s drugim policijskim agencijama, direktor je istakao da nijedna policijska agencija nije u mogućnosti da određene poslovne zadatke izvršava sama pa je uvijek tu subordinacija, sadejstvo između njih. Istako je i da imaju izuzetno dobru saradnju i s Oružanim snagama BiH te Obavještajno-sigurnosnom agencijom BiH.

Također, naglasio je da su uspostavljeni Operativni centar, digitalni sistem veze, sistem videonadzora, sistem zaštite tajnih i ličnih podataka što je u mnogome ubrzalo i poboljšalo rad Direkcije. Veliku podršku imali su i kroz međunarodnu operativnu saradnju u dijelu EUROPOL-a gdje je Direkcija za koordinaciju policijskih tijela centralna kontaktna tačka za razmjenu podataka.

Što se tiče unapređenja u Direkciji za koordinaciju policijskih tijela BiH, direktor je istakao da ih je od 2014. do 2017. godine bilo 167, a trenutno je u fazi unapređenja 21 za mlađeg inspektora, 27 za starijeg policajca, 11 za narednika i četiri za starijeg narednika. Također, radi se na novom Pravilniku o unutrašnjoj organizaciji i sistematizaciji radnih mjesta. Direktor je istakao da je veliki problem trajno rješenje smještaja Direkcije te da će biti etažirana tri sprata objekta u kojem se trenutno nalaze i dodijeljena u vlasništvo Direkciji.

Na upit članova Nezavisnog odbora a vezano za anonimnu pritužbu na rad direktora Direkcije za koordinaciju policijskih tijela, a koju je zaprimio Nezavisni odbor i koja je bila predmet rasprave na sjednicama Nezavisnog odbora, direktor je istakao da je ona zaprimljena i u Direkciji za koordinaciju policijskih tijela BiH. Odmah po prijemu pritužbe direktor je istako da je o tome obavijestio načelnika Unutrašnje kontrole i naložio postupanje po pritužbi. Nakon utvrđenih činjenica i uzetih izjava Unutrašnja kontrola utvrdila je da navodi iz pritužbe nisu tačni. O istoj pritužbi obaviješteni su i Državna agencija za istrage i zaštitu BiH te Tužilaštvo BiH.

Na kraju su članovi Nezavisnog odbora naglasili da će Nezavisni odbor i dalje, u okviru svojih nadležnosti, pružati podršku radu Direkcije za koordinaciju policijskih tijela BiH i poželjeli im mnogo uspjeha.

Sastanak je završen u 14.30 sati.

**PREDSJEDNICA
NEZAVISNOG ODBORA**

Tatjana Klječanin-Martić